

პროგრამის განაცხადის ფორმა

პროგრამის დასახელება, რომლის ფარგლებშიც ხორციელდება პროგრამა:

განათლება

პროგრამის კლასიფიკაციის კოდი:

04 02

პროგრამის დასახელება:

პროფესიული განვითარებისა და უმაღლესი განათლების ხელშეწყობა

პროგრამის განმახორციელებელი:

ქ. ბათუმის მუნიციპალიტეტის მერია

პროგრამის განხორციელების პერიოდი:

01/01/2017-31/12/2020

პროგრამის მიზანი:

ახალგაზრდების კვალიფიკაციის ამაღლება, შრომის ბაზარზე კონკურენტუნარიანი ახალგაზრდა კადრების ზრდა, ბათუმელ ახალგაზრდებს შორის აკადემიური მოსწრების ამაღლების სტიმულირება.

პროგრამის აღწერა:

პროგრამა მოიცავს ქვეპროგრამებს:

- პროფესიული განვითარების ხელშეწყობა;

- ლუკა ასათიანის სახელობის სტიპენდია წარმატებული სტუდენტებისათვის.

პროგრამის ბიუჯეტი

დასახელება	სულ	2017 წელი	2018 წელი	2019 წელი	2020 წელი
პროფესიული განვითარების ხელშეწყობა	400 000	60 000	100 000	120 000	120 000
ლუკა ასათიანის სახელობის სტიპენდია წარმატებული სტუდენტებისათვის	510 000	100 000	130 000	140 000	140 000
სულ პროგრამა	910 000	160 000	230 000	260 000	260 000

საბოლოო მოსალოდნელი შედეგი

ამაღლებულია ბათუმელი ახალგაზრდების პროფესიული კვალიფიკაცია და აკადემიური მოსწრება

დამატებითი ინფორმაცია

პროგრამის საბოლოო შედეგის ინდიკატორები

მოსალოდნელი შედეგი	შედეგის ინდიკატორები						გაზომვის ერთეული	მონაცემთა წყარო	პასუხისმგებელი (საბიუჯეტო ორგანიზაცია, სამსახური)	მოგროვების მეთოდი
		2016 წელი (საბაზისო)	2017 წელი	2018 წელი	2019 წელი	2020 წელი				
ამაღლებულია ბათუმელი ახალგაზრდების პროფესიული კვალიფიკაცია და აკადემიური მოსწრება	უცხოეთში სტაჟირებაზე გაგზავნილი ახალგაზრდების რაოდენობა	22	20	30	35	35	რაოდენობა	ქ. ბათუმის მუნიციპალიტეტის მერის ადმინისტრაციის განათლებისა და კულტურის განყოფილება	ქ. ბათუმის მუნიციპალიტეტის მერია	მონიტორინგი
	ადგილობრივ და საერთაშორისო დონის საგანმანათლებლო/გაცვლით პროგრამებში მონაწილეობის მისაღებად გაგზავნილ ბენეფიციართა რაოდენობა	19	10	20	25	25	რაოდენობა	ქ. ბათუმის მუნიციპალიტეტის მერის ადმინისტრაციის განათლებისა და კულტურის განყოფილება	ქ. ბათუმის მუნიციპალიტეტის მერია	მონიტორინგი
	ლუკა ასათიანის სტიპენდიის მისაღებად აპლიკანტთა რაოდენობის ზრდის პროცენტული მაჩვენებელი წინა წელთან შედარებით	100%	50%	50%	50%	50%	50%	%	ქ. ბათუმის მუნიციპალიტეტის მერის ადმინისტრაციის განათლებისა და კულტურის განყოფილება	ქ. ბათუმის მუნიციპალიტეტის მერია

ქვეპროგრამის განაცხადის ფორმა

პროგრამის დასახელება, რის ფარგლებშიც ხორციელდება ქვეპროგრამა:

პროფესიული განვითარებისა და უმაღლესი განათლების ხელშეწყობა

ქვეპროგრამის კლასიფიკაციის კოდი: 04 02 01

ქვეპროგრამის დასახელება:

პროფესიული განვითარების ხელშეწყობა

ქვეპროგრამის განმახორციელებელი:

ქ. ბათუმის მუნიციპალიტეტის მერის ადმინისტრაცია (განათლებისა და კულტურის განყოფილება)

ქვეპროგრამის ბიუჯეტი:

დასახელება	2017 წელი
მუნიციპალური ბიუჯეტი	60 000
სხვა წყარო	0
სულ ქვეპროგრამა	60 000

ქვეპროგრამის მიზანი:

ბათუმელ ახალგაზრდების კვალიფიკაციის ამაღლება, ახალგაზრდებისათვის დამატებითი სამუშაო გამოცდილების მიღების შესაძლებლობის მიცემა.

ქვეპროგრამის აღწერა:

ქვეპროგრამა მოიცავს ორ ღონისძიებას:
1. უცხოეთში სტაჟირების ხელშეწყობა;
2. ადგილობრივ და საერთაშორისო დონის საგანმანათლებლო/შემეცნებითი პროგრამებში მონაწილეობის ხელშეწყობა.

ღონისძიება - უცხოეთში სტაჟირების ხელშეწყობა ითვალისწინებს ახალგაზრდების მხარდაჭერას, რომლებიც პროფესიულ სტაჟირებას და/ან გადამზადებას გაივლიან აშშ-ში, ევროკავშირის წევრ ქვეყნებში, ასევე თურქეთსა და შვეიცარიაში. ქვეპროგრამაში მონაწილეობის მიღება შეუძლია ქ. ბათუმის ადმინისტრაციულ ტერიტორიაზე 2017 წლის 1 იანვრამდე რეგისტრირებულ 18-დან 29 წლის ასაკის საქართველოს მოქალაქეს, რომელსაც აქვს უმაღლესი ან პროფესიული განათლება ან სწავლობს ავტორიზებულ პროფესიულ ან უმაღლეს საგანმანათლებლო დაწესებულებაში, ფლობს არანაკლებ ერთ უცხო ენას და ქ. ბათუმის მუნიციპალიტეტის მერიაში წარმოადგენს სტაჟიორად მოწვევის დამადასტურებელ დოკუმენტს.

ღონისძიება - ადგილობრივ და საერთაშორისო დონის საგანმანათლებლო/შემეცნებითი პროგრამებში მონაწილეობის ხელშეწყობა ითვალისწინებს ბათუმელი ახალგაზრდების მხარდაჭერას, რომლებიც მონაწილეობას მიიღებენ ადგილობრივ თუ საერთაშორისო დონის საგანმანათლებლო/შემეცნებით პროგრამებში. ღონისძიების მიზანია ბათუმელი ახალგაზრდების კვალიფიკაციის ზრდის, კონკურენტუნარიანობის და ინდივიდუალური განვითარების ხელშეწყობა. ღონისძიებაში მონაწილეობის მიღება შეუძლიათ ქ. ბათუმის მუნიციპალიტეტის ტერიტორიაზე 2017 წლის 1 იანვრამდე რეგისტრირებულ 16-29 წლის საქართველოს მოქალაქეს, რომელიც ქ. ბათუმის მუნიციპალიტეტის მერიაში წარმოადგენს ადგილობრივ თუ საერთაშორისო დონის საგანმანათლებლო/შემეცნებით პროგრამებში მონაწილეობისათვის შესაბამის მოწვევის დოკუმენტს.

ლონისძიების მონაწილეთა შერჩევა განხორციელდება კონკურსის წესით. კონკურსანტთა შერჩევისას უპირატესობა მიენიჭება იმ პირს, რომელიც სწავლობს ან მიღებული აქვს უმაღლესი განათლება შემდეგ საგანმანათლებლო მიმართულებებზე/დარგებზე/სპეციალობებზე: ინჟინერია (მშენებლობა), არქიტექტურა, ეკოლოგია/გარემოსმცოდნეობა, კულტურული მემკვიდრეობა, რესტავრაცია/კონსერვაცია, არქეოლოგია, განათლების მეცნიერებები და მასწავლებლის განათლება.

ქვეპროგრამის ფარგლებში განაცხადების მიღება იწარმოებს ყოველი თვის პირველი სამუშაო დღიდან თვის ბოლო სამუშაო დღის ჩათვლით, 2017 წლის საკონკურსო ბიუჯეტის ამოწურვამდე.

განაცხადები საკონკურსო კომისიის მიერ განიხილება შემდეგი წესით:

კომისია შემოსულ განაცხადებს განიხილავს და მიღებული გადაწყვეტილების შესახებ განმცხადებელს აცნობებს განაცხადების მიღების ვადის ამოწურვიდან 10 სამუშაო დღის ვადაში.

ქვეპროგრამაში მონაწილეობის მსურველის შეფასება ხდება შემდეგი კრიტერიუმების მიხედვით:

ა) მოტივაცია - მაქსიმალური ქულა - 15;

ბ) ღონისძიების ხანგრძლივობა - მაქსიმალური ქულა - 10;

გ) ღონისძიების კურსის აღწერა - მაქსიმალური ქულა - 10;

დ) თანადაფინანსება - მაქსიმალური ქულა - 15.

შეფასების საბოლოო შედეგი განისაზღვრება ქულათა დაჯამებით. დაფინანსდება ის კონკურსანტი, რომელიც მიიღებს მაქსიმალურ ქულათა არანაკლებ 60 პროცენტს. ქულათა თანაბრად განაწილების შემთხვევაში გადამწყვეტს წარმოადგენს კომისიის თავმჯდომარის პოზიცია.

კონკურსის შედეგად შერჩეული ახალგაზრდა მიიღებს ფინანსურ დახმარებას ერთჯერადი გასაცემის სახით, არაუმეტეს 2 000 ლარის ოდენობით, რომელიც მოიცავს მგზავრობის, ვიზის, დაზღვევისა და ღონისძიებაში მონაწილეობისათვის დაწესებულ სარეგისტრაციო ხარჯებს.

ლონისძიების დასრულების შემდეგ ბენეფიციარმა უნდა წარმოადგინოს ღონისძიებაში მონაწილეობის დამადასტურებელი დოკუმენტი და წერილობითი ანგარიში.

ლონისძიებებში მონაწილეობის მსურველმა ქ. ბათუმის მუნიციპალიტეტის მერიაში განცხადებასთან ერთად უნდა წარმოადგინოს შემდეგი დოკუმენტები:

ა) შევსებული სააპლიკაციო ფორმა;

ბ) საერთაშორისო პასპორტის/პირადობის დამადასტურებელი დოკუმენტის ასლები;

გ) მოქალაქის საცხოვრებელი ადგილის რეგისტრაციის დამადასტურებელი დოკუმენტი;

დ) სარეკომენდაციო წერილი;

ე) მოწვევის დამადასტურებელი დოკუმენტი; ვ) 2 ფერადი ფოტოსურათი (3X4);

ზ) თანადაფინანსების შემთხვევაში - დამადასტურებელი საბუთი.

თ) განათლების დამადასტურებელი საბუთი ან ცნობა სამსახურიდან, ხოლო თუ სტაჟირების მსურველი სწავლობს ავტორიზებულ პროფესიულ ან უმაღლეს საგანმანათლებლო დაწესებულებაში - ცნობა ამ დაწესებულებიდან.

დოკუმენტები წარმოდგენილი უნდა იყოს ქართულ ენაზე. უცხო ენაზე შესრულებული დოკუმენტი უნდა იყოს ნათარგმნი და ნოტარიულად დადასტურებული.

კონკურსების გამოცხადების, ერთჯერადი ფულადი განაცემის ბენეფიციარზე გაცემის და ანგარიშგების წესი განისაზღვრება ქ. ბათუმის მუნიციპალიტეტის მერის ბრძანების შესაბამისად.

დასახელება	პროდუქტები		
	რაოდენობა	ერთ. საშ. ფასი	სულ (ლარი)
უცხოეთში სტაჟირების ხელშეწყობა	20	2 000	40 000
ადგილობრივ და საერთაშორისო ღონის საგანმანათლებლო/შემეცნებითი პროგრამებში მონაწილეობის ხელშეწყობა	10	2 000	20 000
სულ ქვეპროგრამა			60 000

ქვეპროგრამის განხორციელების დროითი გეგმა

დასახელება	1 კვარტალი	2 კვარტალი	3 კვარტალი	4 კვარტალი
კომისიების შექმნა	x			
განაცხადების მიღება	x	x	x	x
უცხოეთში სტაჟირების ხელშეწყობა	x	x	x	x

ადგილობრივ და საერთაშორისო დონის საგანმანათლებლო/შემეცნებითი პროგრამებში მონაწილეობის ხელშეწყობა	x	x	x	x
--	---	---	---	---

შუალედური მოსალოდნელი შედეგი (2017 წელი)

ახალგაზრდებისათვის უზრუნველყოფილია უცხოეთში სტაჟირების და ადგილობრივ თუ საერთაშორისო დონის საგანმანათლებლო/შემეცნებით პროგრამებში მონაწილეობის შესაძლებლობა

დამატებითი ინფორმაცია

1. ქვეპროგრამით დასაფინანსებელ სტაჟიორთა რაოდენობა წარმოადგენს საორიენტაციო მაჩვენებელს. თუ 20 სტაჟიორის დაფინანსების შემდეგ, ამ ღონისძიებისათვის გათვალისწინებული ბიუჯეტი არ ამოიწურება, შესაძლებელია ქვეპროგრამით დადგენილი პირობების დაცვით 20 სტაჟიორზე მეტის დაფინანსება.

2. ქვეპროგრამით დასაფინანსებელ ადგილობრივ და საერთაშორისო დონის საგანმანათლებლო/შემეცნებითი პროგრამებში მონაწილეთა რაოდენობა წარმოადგენს საორიენტაციო მაჩვენებელს. თუ 10 მონაწილის დაფინანსების შემდეგ, ამ ღონისძიებისათვის გათვალისწინებული ბიუჯეტი არ ამოიწურება, შესაძლებელია ქვეპროგრამით დადგენილი პირობების დაცვით 10 მონაწილეზე მეტის დაფინანსება.

ქვეპროგრამის შუალედური შედეგის ინდიკატორები

მოსალოდნელი შედეგი	შედეგის ინდიკატორები	სამიზნე მაჩვენებელი	გაზომვის ერთეული	მონაცემთა წყარო	სიხშირე	პასუხისმგებელი (საბიუჯეტო ორგანიზაცია)	მოგროვების მეთოდი
ახალგაზრდებისათვის უზრუნველყოფილია უცხოეთში სტაჟირების და ადგილობრივ თუ საერთაშორისო დონის საგანმანათლებლო/შემეცნებით პროგრამებში მონაწილეობის შესაძლებლობა	უცხოეთში სტაჟირებაზე გაგზავნილი ახალგაზრდების რაოდენობა	20	რაოდენობა	ქ. ბათუმის მუნიციპალიტეტის მერის ადმინისტრაციის განათლებისა და კულტურის განყოფილება	წელიწადში ორჯერ	ქ. ბათუმის მუნიციპალიტეტის მერია	მონიტორინგი
	ადგილობრივ თუ საერთაშორისო დონის საგანმანათლებლო/შემეცნებით პროგრამებში მონაწილეობის მისაღებად გაგზავნილ ბენეფიციართა რაოდენობა	10	რაოდენობა	ქ. ბათუმის მუნიციპალიტეტის მერის ადმინისტრაციის განათლებისა და კულტურის განყოფილება	წელიწადში ორჯერ	ქ. ბათუმის მუნიციპალიტეტის მერია	მონიტორინგი